

五  
峯  
遺  
稿

五峯遺稿卷之十

詩

七言律

送陸懋成東歸用魏南齋太宰韻

十年林下掩柴關，霧雨南山豹養斑。  
綵筆氣凌霄漢，潤白頭身似野僧閒。  
郭公啼雨頻催別，艇子穿花又  
旋還。共惜玉堂揮翰手，不應淪落水雲間。

又

白頭來應尚書聘，兩月京華喜盍簪。  
躍馬看花春事晚，聯牀聽雨夜窓深。  
風流翰墨千年事，牢落江湖此

日心莫把釣竿終遠去高臺聞道築黃金

送孔詹事公恂之京

東風江上動牙旗望入神京路不迷蓬閣

九重空御氣天書五色照封泥孔門經術南金重魯  
國家聲北斗齊應到上林春正好並珠宮樹鳳還栖

挽牧菴嚴先生

先生已跨青驪去尚憶通家義獨敦花館書長頻聽  
講籃輿春暖每過門百年耆舊儀刑在千古風流翰  
墨存回首鴈城南畔路梨花寒食正消魂

黃公祿用徐東海韻見寄用韻奉荅

憑君問我近如何五朶峰前樂事多  
拋却銜參并部領來聽牧唱與漁歌  
梅花得暖相將白桃夢知春亦漸  
酡況是安心可除病欲將方法問東坡

又

不見美人愁奈何會時真少別時多  
也知黃葉山中趣不及桃花扇底歌  
鐸後鬢毛應自白醉中顏色爲誰  
酡天門酒熟無人飲悶對風流畫裡坡

又

天上歸來奈樂何獨嫌詩思近無多  
身閒每作仙遊夢野靜時爲犖壤歌  
短髮不妨垂領白衰顏漸喜挾

春醪何當約取滄洲吏來看新亭赤壁坡

時天全亭

上吳小仙畫赤壁圖故云

淮揚道中與司馬侍御聯舟別後追憶賦此  
豕服新裁出漢宮天涯相見一樽同唯應故舊能憐  
我莫恠虛舟解惱公千里偶成萍水會十年真嘆馬  
牛風鸚洲鵲領談詩處回首湖南似夢中

又

淮海秋濤響怒雷高郵城外片帆開方趨入覲諸侯  
約不道分司御史來暫艤舟航留美製還論心曲罄  
深杯斯文會合元非偶萬事浮雲莫浪猜

庚子歲奉陪學士程先生遊惠山小憩聽松  
卷

寺門遙滂白雲開門外寒泉帶雨哀古榻有僧皆白  
髮斷碑無字任蒼苔林間野鹿嘶花去天上詞臣吊  
古來便欲請公留玉帶恐教猿鶴漫相猜

挽練從道侍御

曾伏青蒲犯逆鱗歸來林壑養吾真孤松挺秀風霜  
古五鳳冲霄羽翼新遼海秋高應化鶴芝塘春暖憶  
垂綸他年青史論遺直應數先生第一人

次錢塘劉邦彥見寄

不着芒鞋踏軟紅  
乘閒行過野橋東  
心游太古鴻蒙外  
春在先生杖屨中  
落魄時為打乖詠  
逍遙真有浴沂風  
鳶飛魚躍皆吾道  
獨立蒼茫興未窮

題綠雲亭

君家草堂溪水潄  
梧竹繞戶何蕭森  
晴陰滿地碧雲亂  
秀色一庭蒼雪深  
月明時看宿鸞鳳  
風細或聽鳴環琳  
焚香靜坐兀相對  
終歲悠悠諧道心

送友人服闋赴京

一曲祥琴已散哀  
青春嗚玉上金臺  
建章花間啼鶯合  
潞水風高去鷁催  
宣室長楊應奏賦  
石渠東觀正

鬢才白頭多病無由錢獨向空山嗅野梅

送郁景章還京用冢宰恩軒先生韻

老懷鄉土出京畿  
鴈盡江南尚未歸  
佳句遠煩天老  
寄高風時許故人  
依生涯有道黃金在  
歲月無情白髮稀  
呵筆長吟送君去  
松煙滿紙墨花肥

又

朔雲南雪暗邦畿  
瘦馬衝寒又獨歸  
千里江湖成遠別  
十年京邸憶相依  
頻來漸覺交游少  
此別應知會晤稀  
老我山林無一事  
香羹時煮白魚肥

雨夜山莊與故人趙允用話舊



痴兒了却公家事來向山中聽雨眠多病羣郎形似  
鶴休官陶令骨如仙一丘獨卧吾將老千里能來予  
亦賢話到舊游都是夢挑燈相對各凄然

施克和携酒枉顧草堂出扇索和王太宰韻  
清絕無慙玉笋班十年軒挺士林間賈生被策已驚  
世終軍棄襦初入關白璧莫嫌三度獻秋香行見一  
枝攀林塘五月涼如水尊酒相逢且看山

又

吳下人材此絕班天留奇物在人間詞鋒筆陣真堪  
畏酒債詩逋亦頗關雪案幾年勞雲程萬里看

躋攀欲知進學功深淺試言東山與雪山

又

兩度論詩過草堂少年才氣正昂藏  
歛衽欲避詞鋒銳落紙先驚翰墨香  
濁酒蒼苔無俗慮疎簾清簾有新涼  
溪邊一棹宜來數莫待槐黃又促忙

過聽松菴留友人小酌

天上歸來鬢欲華乘閒還訪楚王家  
道人解結松風閣童子能煎穀雨茶  
入室暖煙浮栢子捲簾疎雨落藤花  
山房有酒須同醉朋舊年來若聚沙

麻姑途中

秋穀垂花遠近同野人相對說年豐  
禱巫已罷諸祠禱澤物難忘大造功  
喜雨有亭演作記寨帷無事且觀風  
麻姑只在煙霞外試看神仙訪魯公

至日感懷

百年長至將過半歲月無情漸逼人  
老去不堪長作客歸來何幸得寧親  
陽和此日回窮谷環珮何時謁禁宸  
符竹在腰貂未弊不妨時俗笑蘇秦

又

鄉園此日逢佳節漫把清樽對故人  
飄泊始知名是累衰遲偏與道相親  
陽隨酒暈生丹頰雲擁祥光捧

玉宸尤勝杜陵空老蜀幾回愁極夢來秦

題程司馬晴洲草堂

十年霄漢闡皇猷長憶南歸事釣遊舊買竹溪開別  
業新添水檻替浮舟雲開玉几群峰暮露濕紅蕖遠  
清秋老臣事未應蕭洒看羊裘

又

百花洲畔草堂開鷓鴣鷓鴣日往來碧水澄潭含露  
景白沙青竹淨氛埃飛騰久負垂綸志翼亮方需濟  
世才聽履星辰九霄上夜深空有夢飛回

又

已看白首登樞要，謾擬滄洲作釣徒。  
黃閣大名昭日月，碧山清夢繞魚鳧。  
功成馬援標銅柱，老去知章憶鑑湖。  
更喜鳳毛霄漢上，俸錢頻寄草堂湏。

送許鍊師南還兼柬竹石陸先生

愛爾南華老仙伯，紫綃之服華陽巾。  
山中丹竈伏龍虎，袖裡風雷驅鬼神。  
千里寧辭客路遠，一官已沐恩波新。  
明到天壇看月色，應憐俗駕在風塵。

又

張王廟裡曾相訪，郭隗臺前又送行。  
天上神仙是官府，江南風月寄詩情。  
瑤壇芝草春應長，玉洞桃花笑

歡迎頗有幽懷煩執事到家為問陸先生

送蔣宗誼之金華推官

先朝院使青宮舊異代風流見遠孫古栢凌霜存節操  
秋濤出峽瀉詞源十年郡府三移秩千里雲霄獨  
感恩若過蘿山頂吊古殊方應有未招魂

次武功先生遊嵩山韻

舊是玉皇香案吏却來三讓里中遊題詩野寺花連  
屋杯酒清溪月滿洲是處雲山供漫興百年魚鳥識  
風流不勝悲喜看遺墨回首當年已繆悠

又

天上歸來奈樂何  
宦情真少野情多  
鶯花林屋新開社  
魚水君臣舊作歌  
醉筆漫揮詩律富  
紫袍頻映醉顏酡  
吳山越水都題遍  
共說先生是大坡

挽大司馬晴洲程公

分曹曾列縉雲司  
接對從容出每遲  
駟策肯嫌駑馬劣  
吹噓真荷二天私

君主有道曾頒寵  
故吏多情獨繫思  
留得紫薇遺種在  
鳳池春雨長新枝

又

功成多病賦歸田  
花引晴洲一釣船  
闌入風塵思戰

畧禁中喉舌罷朝 天漢廷直諫推長孺戰國高風  
說仲連白髮門生忍聞計不勝淒斷一潸然

次黃公祿見慰韻

北堂甘旨廢晨昏鶴髮何由再倚門舉首有天胡不  
吊還家無恃更堪論生成德重悲風木慰問情多賴  
友昆泣洒平生數行淚龍峰原上醉芳樽

除夕感懷

爆竹聲中歲已徂西堂愁絕夜啼烏春風不醒叢萱  
夢霜雪偏侵病客鬚是處傷心可垂淚誰家燒燭且  
開壺欲裁詩句酬佳節厭見寒燈照影孤



次沈石田登惠山懷李貞伯韻

先生高誼誰能似  
曾掛梁溪十幅蒲  
絮酒且荒墳上  
土汲泉還試竹間爐  
百年老興追彭澤  
千首清詩寄石湖  
回首吳門隔雲樹  
別來應恠一書無

又

荒荒落日又西  
哺欄底無人自採蒲  
謾看芒鞋躡雲  
磴還開竹屋試風爐  
春林客散花如雪  
夜榻香銷月墮  
湖題遍清詩三百首  
也應胸欠一塵無

又

恩公院裡題詩處  
看竹焚香寄遠情  
雲谷有靈延二

老碧山無語伴雙清一甌新茗和春吸十里平湖戲  
酒行慚愧無田陪杖屨題詩重為訂新盟

舟中漫興

隔牆桑柘鳴兩鳩暮春溪南涼似秋幽花着雨紅照  
水輕燕受風低掠舟韶光過眼未成夢世事逼人那  
得休柳南人家酒正熟欲買一醉消千愁

慶憲景登壽六十

草堂高卧氣如仙笑閱流光六十年安分不嫌田地  
少得家偏喜子孫賢青山老去添詩思黃菊年來賞  
酒錢昨夜星光動南極儼將遐壽祝三千

次丁鳳儀見寄

故家文獻冠江東千載看君繼  
遠風姓字早登仙桂籍多冠行  
入大明宮九重日月光華裡一  
代文事渾厚中惟有傳經二三  
友攀留無計意匆匆

同憲府諸公賞月和韻

牙繡衣輕透晚涼賞心今夕未  
渠央月華冷浸三千界桂子清  
浮第一香風定碧簾開刻漏夜  
闌銀燭照飛觴陽春一曲真難和  
螢爝應從借志光

遊德恩寺

萬松深處扣禪關細草幽花滿  
日斑客思漫同秋水

淨禪心常與白雲閒  
山猿獻果林梢下  
野老聽經竹外還  
欲與遠公相結社  
獨憐塵土污清顏

又

寺門深傍白雲閒  
中有殘僧若死灰  
淨土每容高士入  
空門遠喜達官來  
天龍常護談經座  
鳥雀頻窺施食臺  
細話無生問因果  
三生石上重徘徊

奉答蘇汝用見寄韻

從人寂寞笑揚雄  
老去無心意軟紅  
松菊自堪開小徑  
雲山聊可伴衰翁  
功名傀儡終場後  
世事邯鄲短夢中  
炙背採芹思欲獻  
此心元自不忘忠

華文輝携酒過山莊

茅屋臨流掩薜蘿  
冷官門戶可張羅  
晴天載酒誰辭  
過南湖老人清趣多  
病起不堪還客拜  
詩成聊復對  
君歌明朝更有春湖興  
遲爾重來着釣蓑

又

鰲湖隱君山澤儒  
珊瑚作標清有餘  
胸藏萬卷誰得  
似人道當年行秘書  
五峯堂上勞載酒  
天全亭前觀  
打魚百年良會能有幾  
莫遣往來踪跡疎

贈永康侯徐公

賦詩橫氣何雄  
盡說將軍有祖風  
劍瑩礪鵠寒吐

白衣裁官錦爛蒸紅千艘給餉功何盛百箭穿楊夜  
亦工惆悵秋軒文會裡一尊那得與君同

挽華處士守器

白髮東吳老客星仙遊何處駕雲駢山中風月餘精  
爽鄉曲衣冠尚典刑科斗滿牀塵漠漠桑麻連野雨  
冥冥獨憐春雨茅堂下無復臨池寓鳳翎

次施彥清

情親童稚已多時許與嘗叨眷愛私白髮鄉園一樽  
酒青燈湖海十年思休官沈約還多病傲俗淵明却  
愛詩便與先生敦契誼歲寒吾道更何之

挽鄒以勤

北山山下草堂開冠蓋紛紛日往來落魄鄒莊真好  
客風流杜牧湯多才玄纁未應生前聘薤露空聞死  
後哀惆悵清華亭上月更闌無主白徘徊

又

衣冠高隱北山陲一代風流衆所推華屋錦筵上  
客彩毫紅袖滿新詩文園老去清如雪彭澤年來鬢  
已絲短世匆匆成一夢不堪揮淚讀銘辭

謝楊叔理高惟清見訪

一官衰暮才還拙也得滄洲嬾吏憐枉顧毋近花外

展迢迢那情杖頭錢乾坤莽莽成吾老塵世紛紛覺  
子賢更有梅菴老居士春來詩酒漫流連

別吟社諸公

野夫又理西江棹錯認他鄉是故鄉世事無端良足  
厭君恩如海自難忘也知疎懶人多棄漸覺衰遲  
鬢已蒼最苦江湖涼月夜不堪回首碧山堂

閩還途中寄時賜少參

千里閩江一短篷可堪連日雨兼風行人笑語難聲  
裡病客生涯藥裹中窮達何須問詹尹行藏端合付  
天公旅懷牢落無人問獨倚篷窓數斷鴻



迎春日感興用舊韻

車馬喧喧塞九閩故園今日又逢春  
鴻鈞氣轉消陰戾窮谷陽回起病人  
是處漫挑生菜美誰家巧製綵旛新  
卽看對酒愁何在便覺論詩捷有神

又

雪消和氣滿城闌杖屨相將去看春  
到處漫爲詩酒會諸公真是太平人  
眼前已覺春光好簷底休驚雪色新  
獨有文園憔悴客小樓孤坐倍傷神

挽友人

尚書孫子舊儒宗俎豆衣冠有古風  
抱道獨隨東谷

隱能詩却坐孟郊第三千浩劫浮雲外四十流年短  
夢中一曲楚招歌未了看山樓畔夕陽紅

用王思軒冢宰韻贈金陵郁景章

別情鄉思兩依依家住秦淮獨掩扉門外軒居官長  
過山中薪水獮奴歸已甘白首耽行樂不管紅塵有  
是非我亦休官無一事暮年詩酒願相依

贈南平僧

天上歸來感歲華爐煙猶滿舊袈裟棲禪只在南湖  
曲乞食頻過內相家晚徑竹松深雨露春山樓閣帶  
煙霞相過却憶滄洲吏寫畫題詩漫自誇

揚節婦陳氏

孟賢之配

痛念夫君記玉樓朱鉛洗盡淚還流  
旌門有待者  
華表作傳無慚媿  
栢舟歲歲梨花寒食雨年年梧葉  
瑣窓秋此心已化山頭石直待同歸土一丘

回峯寺

鸚洲西畔大江南結得禪扉傍蔚藍  
一壑芝煙藏寶地六時花雨護珠龕  
講堂雲濕龍初下禪榻香消客  
罷參自厭塵踪多役役只便閒處駐行驂

洪山寺

萬松深處扣禪關翠壁丹崖不可攀  
客思謾同秋水

靜禪心長與白雲閒  
山猿獻果林間下  
野老聽經竹外還  
欲話無生問因果  
東郊民事正多艱

宦邸懷思軒內翰

十年供奉倚深知  
染翰朝朝侍玉墀  
職在經綸期翼贊  
地分清要繫安危  
九門漏盡趨朝早  
三殿花深退講遲  
況值太平無事日  
焚香鳳閣好題詩

寄家宰思軒先生

三朝出入荷

明君八座端居位  
獨尊夜月冰壺懸  
藻鑑春風桃李在  
公門青雲麟閣方  
圖像徽省郎君又  
拜恩獨愧野

人林壑底登龍無計欲消魂

送王希曾領薦赴會試

桂花香裡馬如飛共說仙郎得意歸  
天上玉堂看步武江南華第又增輝  
衣冠奕葉人爭羨科第蟬聯世所稀  
三月杏園春宴罷還題尺牘寄南畿

又

少年天府已蜚聲才氣英英貫日星  
共說賢生偏善賦更聞劉向早傳經  
鳳毛春暖登阿閣鵬翮風高起北溟  
畫省玉堂家世舊此行端擬繼芳馨

題邑尹徐鉉之父母雙輓冊

雙親權厝幾經秋卜吉新塋土一杯合葬已酬千古  
願深歲真感九原憂鄉邦行誼徵君美閨壺聲華阿  
母優不用瀧岡重勒表龍章行見貴林丘

藻菴遜菴綱菴諸公以脩實錄不赴詩以代  
謝

經過不見能詩老獨向溪邊理釣簑公府正開脩史  
局野人新盡力田科文章豈但雕蟲技世事真成春  
藻姜九龍峰前草堂下一樽還健共高歌

歸養堂

宦適常自錄庭闈乞得君恩便賦歸兩表殷勤陳

肺悃十年密落負春輝紫鸞回紙頒恩諾花蝶封  
澤製舞衣從此高堂極榮養古來忠孝似君稀

送趙允用歸時江

豐城劍氣閤不得秀毓斯人也自奇才大不慚當世  
士明經無愧後人師玉堂學士傳書簡白髮慈親入  
夢思共把一樽江上別西風楊柳不勝悲

途中遇友

黃塵拂天河水渾沙頭艤舟風景昏癡雲壓山濃若  
潑白日墮地忙於奔開尊肯就篷底醉得句還從詞  
際論途窮不効阮生哭眺望高原何處村

吳默菴復民詩

有序

曾隨上將定天山

聖主恩深竟賜環天籍伍符今日脫  
變煙瘴雨幾人還軍中草檄猶思馬  
閩外封侯不羨班晚節天全真可樂  
好將詩酒破愁顏

鄉先輩吳公伯禮正統間嘗為鄉右所誣謫  
隸廣西戎籍先生學優行端雖在行間甚為  
總戎柳公所器重兵機戎畧贊畫良多然先  
生以生逢堯舜獨不得效田間老叟擊壤謳  
歌太平願與三邊健兒為伍居常鬱鬱久而



事得白落籍為農先生喜動顏色拂袖而歸  
曰吾今復得為

聖朝之氓矣於是鄉之搢紳皆為賦復民歸  
樂詩為先生千載遭逢之賀今先生歿墓木  
拱矣其子鳳翔君問求余詩以卒先志余髫  
年時嘗識先生於玉菴余公館下仰高風而  
慕盛德者有年矣義不容辭遂賦此以復

和謝太守世脩江上述懷

乾坤納納雙蓬鬚湖海茫茫一葉舟作郡久推冰  
操匡時常切廟堂憂晴江酌酒花連舫官驛題詩月

滿樓聞說宦遊今欲倦封章頻上殿東頭

送朱懋易歸毘陵

春風吹老北山薇  
久客天涯賦式微  
囊裡朱絃知者少  
袖中白雪和人稀  
花明驛路啼鶯合  
水滿晴江去鷁飛  
早晚薦雄應有客  
未容終隱舊漁磯

又

自是江南文社客  
來登天上小瀛洲  
玉堂風月供清賞  
禁里湖山入壯遊  
白首杜陵猶未遇  
青袍司馬寂風流  
明朝又向天涯別  
回首毘陵慘暮愁

小瀛洲為思軒內翰題

禁城東畔詞垣裡風景分明是十洲千丈文光常耿  
耿四時佳氣自浮浮憲舍太乙青藜火座擁神仙紫  
綺裘謾說主人房杜輩揮毫常對鳳池頭

又

玉堂深處即蓬萊面面軒窓對水開碧沼晚風魚亂  
躍畫簷春雨燕初來雲深擬下神仙珮客至時分太  
液盃如此風光好登覽獨憐身世我非才

又

金鯽池邊結草堂畫闌干外即滄浪花枝照眼錦雲  
亂竹色滿庭蒼雪涼畫湖山常對酒芙蓉窻戶漫

焚香由來翰苑非人境何必求仙問渺茫

送吳晉卿赴館

青年有道即為師共說先生是白眉經術舊從嚴父授才名今喜後人推花明絳帳春吟早火蕤青藜夜寢遲想得課餘多暇日閑門還賦子虛詞

送陳行之歸錫山

浩氣凌虛逼紫冥西風吹鬢已星星暫辭錫谷詩人會來試金陵竹葉青老去杜陵猶作客年來劉向尚傳經支頤晚歲東林下脩竹蕭蕭獨掩扃

次李貞伯五十生子韻時貞伯為留都尚寶

司卿

言音傳播到山居知是生兒樂有餘  
白首放歌宜縱酒黃金着意為妝書  
即看勤學攻文選還見登堂看綵裾  
驥子鳳雛真不惡眼前豚犬有誰如

又

鬱葱佳氣滿華居正是郎君降誕餘  
元子足承溫嶠賞仲將無愧孔融書  
鳳毛麟角先生座瑜珥瑤環色照裾  
便欲登堂賀深喜秣陵天遠欲何如

詩壇懷舊寄元之主事時守山海關

高城設險壯金湯作鎮真臨大海傍  
筐篚每來重譯

貢闕門常峻外夷防草肥深谷熊生白波暖春洲蠅  
吐黃天遣仙郎此持節三年文化及殊方

又

書生習氣已全除萬里邊城入壯圖到海有山皆設  
險入關無吏不持符詩書已足懷殊俗策畧還看翼  
廟謨聞說秋高戎馬健也須辛苦事防胡

送宏上人住持惠山

野寺荒涼半不支今年新得紫衣師山中老宿皆瞻  
仰門外天龍亦護持古佛有靈童拂面殘松無恙又  
生枝真公事業須相繼待我他年為勒碑

題虞永錫東籬雅集卷

紛紛諸老日相過杖屨從容奈樂何  
縱飲儘拚巴曲醉狂吟真繼郢中歌  
矮籬茅屋經秋冷紫艷紅香入詠多  
愧我湖南尚為客賞心無計鬢空皤

暇日辱古心上人顧余於龍山小莊因其還  
詩以贈之

白髮麻衣老萬回禪心一點冷於灰  
住山久觸官長怒出院似聞龍象哀  
小閣清秋聽雨卧西園日暖看  
花來石榴山柿能相惠欲報新詩愧不才

黃公祿用元之進士韻見寄奉荅一首

清霜著髮已全疎  
蕭洒長乘下澤車  
才氣舊聞追白也  
詩名今喜過黃初  
百壺美酒逢人醉  
十幅瑤牋對客書  
何日天全亭子上  
長吟來伴竹窓虛

聯句

謝陸宮諭賞荷花

水府仙人玉作肌  
夔月中微步想委蛇  
理曾於太華峰頭見  
夔不在濂溪說後奇  
建半夜露華勻粉黛  
夔九秋雲影落玻璃  
建陸家池館風光好  
夔聞道虛觴別有期  
建

又



重疊烏絲拂絲毫變鳳池晴旭見奇毛註座中談笑  
收群彥變醉裡文離眇二豪註北闕露華鳴玉珮變  
西堂秋思入蘭膏註寄來白雪真難和變且下蕭條  
坐兩曹註

又

洛中奇賞屬吟毫註拂紙清風沁鬢毛變既見百朋  
真我喜註縱觀千古獨君豪變也知精藝穿楊手註  
不負虛堂照夜膏變高論豈隨流俗變註解將青眼  
盼蒼曹變

又

一庭疎雨豈花秋

秦

五馬南來此徑幽

李

北海有情

能小款

秦

太虛多暇得清遊

李

詩成漫灑金盞墨

秦

酒熟先分玉甕筩

李

時武昌前一日惠酒

腰下郡符憐我老

秦

筆端文采羨公優

李

江湖別後還青眼

秦

霄漢逢時

尚黑頭

李

寂寞文園猶卧病

秦

時文敏地官方墜馬傷足

蕭條環

堵未忘憂

李

東曹花月孤同賞

秦

西館珠璣惜暗投

李

倒屣忽傳邠老至

秦

至此時用至

解貂聊為季真留

秦

涼生楚葛風初靜

李

氣逼湘簾露未收

秦

樞馬隔隣

啣晚秣

潘

候虫當戶促功裘

李

坐深不覺爐熏換

秦

話久仍呼茗盞浮

潘

鸚鵡巧能傳客意

李

琵琶亦解

亂鄉愁

秦

登龍偶合風流地

潘

附驥終慙遠大計

李

良會百年知有幾

秦

為君傾倒夕陽樓

潘

武昌秦先生過予爾耳亭邀文敬邵地官不

至偶發小興適潘時用文學至續成之時呂

進士宜中在坐強之不可得翌日獨和一首

成化辛丑七月十一日李東陽賓之書

五峯遺稿卷之十一

詩

五言絕句

新春山莊即事

摩挲病來眼一着故山春可奈幽窓下梅花冷笑人

又

春色年年好多應不世情朝來入庭戶草色上階青

竹筴

粉褪雨肥初綠坐風折文我亦老可流胸中有千畝

雪竹

江空雲欲垂雪暗滿湘浦天寒白鳳飢離披不成舞  
老竹

碧澗珊瑚枝婆娑影三尺本是柯亭材俗眼渾不識  
晴竹

秋色晚溟溟湘江隔岸青海門涼月白照見鳳凰翎  
雨竹

蕭洒數枝低天寒鳳不栖湘江煙雨夜愁絕鷓鴣啼  
題陸竹石寫雲山圖送國聲姪會試之京

秋色正蕭洒溪堂聞讀書忽隨徵詔起誰肯混樵漁  
題畫携琴

老桂吹秋香涼風度林樾  
瑤琴何處翁彈落巴山月  
待渡

青山落日低野渡寒流急  
空懷欲濟心悵望無舟楫  
觀泉

山中有泉脉萬古流不窮  
臨觀坐來久應解道心同  
泛舟

將相來白蘋倚棹秋江上  
日暮澹忘歸悠然愜清賞  
草亭

海內此亭古溪邊風物幽  
扁舟歸處晚紅樹謝林秋  
紅梅

性資本貞素肯容冰雪欺東風嫌太勁隨意染胭脂

蘭

幽色羞自薦空山秋復春靈均今已遠紉佩更同人  
雙鳬

秋雨凋荷葉西風生白波天寒稻粱少相對欲如何  
殘花

看看老癖漢忍斷杯中物不飲欲何如春愁正銷骨  
又

不效素絲飲聊同楚客醒焚香酌清茗間對衛生經  
北行舟中感懷

風雨暗孤舟長河急暮流懷家兼憶子存沒恨悠悠

又

垂老髮將素其如哭子頻淒涼身後事感念一沾巾  
立夏日風雨撫景述短句

又

冉冉綠楊雨淒淒黃雀風傷心誰寢甚多病白頭翁

又

鳩婦啼轉急郭公聲更繁無端送春去含思對西軒

又

風雨正淒迷春歸已有期囑春須少住稍待雨晴時



春去病不去孤眠徒熱中  
唯應風雨夜愁煞兩衰翁  
題友人西園雜景待月窩

天地一窩小溪山明月多談詩有佳客相好數相過  
爛柯洞

萬古未了盤礴雙鬢垂沉沉當局意未許老樵知  
蓬萊峰

長風海上來吹墮三山峰月明群仙下吹簫倚長松  
白玉峰

連峰瑩如玉積素排高空誰將藍田山置此西園中  
瀑布岩

石屋掛飛瀑遠下青雲端開簾對匡廬蕭蕭毛骨寒  
曩歲殷南金表弟廬墓山中時仝志諸賢俱  
有書疏及篇章慰問南金示余嘉其至行用  
章靖韻為賦五絕句

茅屋荒山遠麻衣淚血新誰云參閻後言孝竟無人  
又

試罄南山竹親恩未易書君看身上褐尚補海濤圖  
又

廬墓亦多偽吾賢意獨真懸知攀柏處哀感動山神  
又

淚盡恨不盡看松獨掩關欲知親德重請看隴頭山

又

讀禮已三載哀哀淚作泉他時都下尹應迂孝廉船  
孝廉船用張憑故事

題雙鳥圖

多情為惜春枝頭又延佇何當鼓雙翰飛入宮中樹

畫梅

平生真許可可意獨寒梅大雪空山裡相看幾度來

六言絕句

題扇

真娘墓下花發伏虎岡頭草青竹杖芒鞋誰子腰風  
晴日閒行

送李四順鄉試

碧海神駒何駿年來伏櫪堪憐今日長鳴遠道驅馳  
誰與爭先

又

愛煞廬陵大老當年解議眉山文章已黜歷歷千載  
淳風再還

又

筆底詞華煥爛  
胸中浩氣縱橫  
日暮文場戰罷  
聚奎先兆文明

又

道上晴泥沒馬  
門前潦水稽天  
君去好陳時策  
不涓粉飾豐年

送郁景章

采石江頭夜月  
金陵市上晴嵐  
白首行歌已倦  
扁舟歸去江南

五峯遺稿卷之十二

詩

七言絕句

己酉歲和程學士先生姑蘇道中見寄之作  
五湖歸去一閒身便作清朝吏  
隱人說與山童牢閉戶西風演避庾公塵

又

滿簾紅日照書籤  
石鼎茶香睡正酣  
老去一丘吾自足  
人情冷暖亦何嫌

望泰山

中天積翠巒重重勢入青雲望不窮山上白雲今古  
是漢王虛信起封中

過舟子祠堂

荒祠寂寂枕山丘山木蒼蒼水亂流東魯封疆幾分  
合九原空為季孫憂

舟過吳江雨中感懷

松陵江上雨如毛二月輕寒襲布袍無限別情消不  
得強題詩句吊三高

又

五年十度過松陵宦轍催人肯暫停白髮不如江上

草春風吹拂又青青

題墨竹送華常州廷佐之臨東參政

施度清

野翁堂外千竿竹春雨年年長鳳毛分得一枝微省  
去使君清節兩相高

又

蘭陵太守蔽垣佐苦節平生誰比倫只有湘皋數枝  
玉歲寒相對最情真

丁未奉表至京師

獨立西風淚滿纓扁舟何事又南行華封未祝金輿  
遠無限平生犬馬情



又

弓劍蒼茫不可扳傷心無復恃

龍顏西風十月燕南道獨載琅函一表還

題晉南豐祠堂

天地人材間氣生聚奎先兆宋文明南豐落落星之  
斗予固文章有弟兄

又

憶上滄州過關時宗風祖德感陳詩從容運祚餘三  
百氣象當年特見之

山居禱詠

紫棟高風白苧輕水邊林下一間行野人問我歸何  
早多病年來負聖明

田舍感懷

一官頭白早歸來三徑無賢尚草萊已向山僧求竹  
本還從野老覓桃栽

題翎毛畫

南山松栢北山薇啄食常嫌出處低供得上林全樹  
好春來長伴鳳鸞棲

寄施彥清

樂爐藏火夜光浮千歲神丹亦易求稍待赤霄勲業

了淮南還伴八公遊

過莫善慶南溪別墅

竹寒沙碧溪深處茅屋清涼晝不開  
閒殺疎簾與清簾無人肯為奕棋來

詔許致仕喜而有作

得歸消息已全真聖主應憐老病身  
到此始知官事了從前多被黥兒嗔

題施彥清野翁堂

郎君俊爽才無敵老子清狂樂有餘  
脩竹千竿書萬卷野翁堂上即吾廬

又

疎簾清簟淨無塵如此高齋亦可人  
痴絕龍丘老居士千金浪欲買比隣

又

新竹春來已透堦瓦盆盛水自深埋  
年豐不用頻憂國却學堯夫坐打乖

又

世故風塵了不聞蒼苔濁酒掩柴門  
簷前日暖無人到時有野翁來負暄

又

白髮飄蕭古道存騎驢常日過諸孫也知不為盤飧  
美同姓由來古所敦

送楊士瞻分教盱江

一命儒官兩鬢絲十年場屋嘆差池天應有意興文  
教留作四南後學師

又

西風裘馬促脩程奇  
在此行要識宦情吾解  
說亂山深處一官清

又

山城相送一悲歌離別悠悠奈老何憑向盱南訪存

沒昔年者舊已無多

又

貯南自昔繁華地花滿春城甲第連聞說變遷今欲  
盡因君回首一凄然

寄王希曾

拿什百里曾相顧青眼如君後幾人聞說書帷心獨  
苦新涼燈火正相親

又

知君年少擅才華官樣文章屬大家待得春來消息  
好馬蹄看遍洛陽花

送李四順鄉試

七月江南潦水深，偶因君去一關心。  
棘闈指日陳時政，為說民貧已不禁。

又

槐黃時節去匆匆，天馬長鳴萬里風。  
破釜焚舟今日事，孟明終取濟時功。

又

青袍鵠立三千輩，才力誰能似賈生。  
戰罷棘闈秋日暮，胸中詞氣浩縱橫。

山莊

七來萬事付銷沉一寸光陰一寸金何處安心是良  
陶公原有不弦琴

又

春風門外鳳將雛却向山中訪病夫一曲瑤琴三弄  
笛也應勝看輞川圖

又

老負君恩屈壯圖歸來林下樂樵蘇九龍峰色雙  
溪水何必稽山與鑑湖

又

敲門無吏報晨衙睡起山窓自煮茶一卷蘭亭了未



了天風吹下石楠花

又

九疊龍峰翠作堆  
隔窓遙見畫屏開  
杖藜老病雖無力  
一日須看一百迴

又

綠車聲裡麥風涼  
東舍西隣餅餌香  
田野太平多樂事  
不妨頭白老農桑

又

野花落盡滿蒼苔  
寂寂柴扉晝不開  
蛺蝶狂蜂俱不見  
多情惟有燕飛來

又

林下幽花何冉冉  
筓根稚子亦娟娟  
城中佳客又不  
至孤負牀頭沽酒錢

暮春漫興

風光滿眼不一醉  
籬邊小桃應笑人  
百年幾何如逝水  
莫負城南三月春

又

鳳凰臺上春意晚  
二郎西頭芳草多  
金鞭兩兩誰家  
子馬上相看闌綺羅

又

三才圖會卷之十二  
繁花亂蕊紛紛落南隣酒家須蚤過昨日故人今不  
見浮生莽莽欲如何

又

莫笑幽齋絕低小紙窓虛明塵事無堦前春雨草漸  
長便有小禽來哺雛

又

軒前桂樹手自種帶雨和煙漸發榮即看舊葉紛紛  
落已覺新枝細細生

又

牆頭小鳥盡情語堦前幽花滿意黃悠悠世事豈足

問典取春衣沽酒嘗

又

隔牆杏花紅滿樹雨打風欺何太頻  
賴得東君爲調護  
枝頭青子已生仁

溪行偶書

痴兒未了公家事南北驅馳不暫休  
試向清溪照容鬢  
數莖華髮不勝秋

舟中漫興

鷗鷀磯頭多惡灘碧潭深處有龍蟠  
扁舟未過心先碎  
愁殺人間行路難

又

滾滾春流瀉玉虹蒲帆十幅御剛風爭知七里灘頭  
路險過彭城百步洪

又

山外黑雲含雨重江間高浪蹴天橫南船北舫爭相  
語如此風波不可行

又

石子崗頭篁竹低滿林新雨郭公啼江南五月多詩  
趣都付先生謾品題

重登觀瀑亭

三生老守真緣縛未得匡廬五老遊今日新亭看飛  
瀑百年高興也應酬

又

幾沫飛流亦壯哉品題誰有謫仙才何人爲發龍宮  
秘瀉下明珠萬斛來

丁酉科預江西省試執事送某教諭

風簾官燭夜堂空文卷三千破竹中紅日未高催放  
榜已傳門下得蘇公

又

老筆文章作代豪前身相馬九方臯獨懸一鑑西江

上肯使龍媒嘆未遭

又

江右文章舊有宗請看六一與南豐百年故國多才  
俊只在先生品藻中

山莊雜詠

山林況味冷於冰自信前身合是僧睡起日長無一  
事自臨清水種紅菱

又

山中老病全無力十畝荒園強自營曉起偶然成一  
笑薰風吹破海榴英

又

窮愁無那逐時新  
坐對青山且飲醇  
白日西飛水東逝  
不知誰是百年人

寄趙承諭

蕭蕭風雪草堂深  
黃卷青燈萬古心  
珍重王孫誰得似  
閉門長日惜分陰

成澹菴邀余遊橫山草堂

澹仙莊上題詩去  
滿目溪山足勝遊  
回首相思便陳迹  
此生何異泛虛舟

又



放舟憶向清溪上把筆臨風酒半酣何日與君重勝  
會題詩還擬百花潭

又

故園詩酒尋常會只恐秋途又轉蓬回首竹林編七  
逸虛名應不數王戎

次盛永壑勉潘生箴韻

清霜易變鏡中容一飯休忘進學功霄漢飛騰年少  
事莫令名宦後終重

又

一燈風雨夜堂深年少憐君惜寸陰相愛不須頻有

贈兩翁詩好重千金

兩翁謂永堅泊家君

梅軒為荆溪任庭蘭賦

任君平生好奇古手種寒梅香滿林  
開軒長日坐相對共試平生金石心

又

生憎桃李競顏色靜愛寒梅手自我  
擬辦青錢覓野艇荆溪春日看花來

又

軒前舊種梅千樹野雪初晴白滿枝  
才似廣平應有賦狂如杜甫豈無詩

苦雨二首 奉吳藻菴先生

城中斗米換衾裯，風雨連天尚未休。  
頭白歸來林壑底，不堪還負杞人憂。

又

桑田如海浩無涯，野老相看淚滿頤。  
聞說君王渴堊拱，願頒明詔問瘡痍。

夜泊清河

風力初嚴夜氣寒，長河水合水聲乾。  
扁舟一宿都無寐，愁煞人間行路難。

誦陸放翁夔州竹枝歌用韻八首

江上春波照眼明  
南船北船歡笑聲  
蜀底吳鹽爭販  
得槌鼓張帆冒險行

又

荔子山椒夾岸紅  
少陵遺迹漲西東  
風流文藻今不  
見只有江山如畫中

又

巫山高十二峰  
神女廟荒秋草空  
舟人指點到今  
說雲雨當年入夢中

又

巫峽群山高刺天  
亂峰重疊少人煙  
雲埋老樹聞啼

鳥花晴江失釣船

又

瞿塘漫天煙浪多  
巴童蕩槳唱夷歌  
北人初來試新險  
奈此滿懷愁思何

又

垂老雙鬟插野花  
隔煙蠻女采新茶  
家貧勝作商人婦  
淪落天涯只自嗟

又

中巴之東三月時  
滿山開遍野花枝  
郡人尚憶前丞相  
載酒來過山下祠

又

琵琶峰頭寒日低白鹽山下行人稀青桼啼在高枝  
上估客胡商淚滿衣

瀛洲詞五首贈陸宮諭治齋先生

清時簪筆上蓬瀛人物今傳馬長卿供奉十年  
恩宸渥院花宮柳亦知名

又

爛醉天厨玉色醪夜寒清夢壓金鰲  
君王只恐青綾薄却覆宮中纈錦袍

又

金爐香暖御簾清長日

君王在邇英好把幽風細陳說萬方思見泰階平

又

宮漏沉沉半景遲涼風吹動萬年枝須臾宮文傳宣  
到催進昇平第一詞

又

日華初照九英梅闌闌千門取次開奏賦甘泉誰第  
一青年司馬最多才

送東臯叔還南湖草堂四絕

離別匆匆奈若何可堪時節易蹉跎丁寧試看雙蓬

鬢他日重來白漸多

又

匆匆分手東歸去正是故園重九時遙想開筵壽諸  
父陶然共醉菊花卮

又

相逢未久難相別此地還從幾日來紅樹青山三百  
里夕陽回首重徘徊

又

離邊黃菊催歸思江上青楓喚客愁明日相思渺何  
處西風回首仲宣樓



寄過野舟時霽

常憶城南舊隱流  
別來回首又驚秋  
料應身世無人管  
明月清風一野舟

寄楊貞外叔猷

別來南國謾紛紛  
回首金臺隔五雲  
欲採蘋花遠相寄  
秋江空闊倍思君

余將之饒州時老親幼子俱在官舍感賦二絕

風月高齋宿一翁  
白頭遊子向西東  
天涯愛日誰能惜  
夢裡幽情謾自通

又

生兒惟解索梨栗豈識高堂奉大翁想得近來身漸  
康健如黃犢走西東

遊寶光寺

黃花白草滿荒阡翠嶺香臺夕照邊老衲不知興廢  
恨違人猶自說當年

送學士程篁墩再起之京

文章星斗通南極冠蓋風雲接上台我是先公門下  
客臨岐分手獨徘徊

感情寄陳行之

風流窮樂國中客青眼平生最受知從此更應堅晚節莫因生死負交期

又

舊時坦腹東牀子執筆攻書近若何此日天涯重興感不禁清淚似懸河

題畫

萬戶千門日正長美人新試越羅裳春風一曲清平調又上君王萬壽觴

又

曉日遲遲禁漏催建章宮裡百花開從官忽報霓

過知是金輿遊幸來

寄南康俞太守

南康山下鎖雲松  
白鶴祠連五老峯  
珍重使君今李  
白風流千古繼高踪

又

風流太守最能詩  
疑是三生杜牧之  
何日落星亭子  
畔一盃春酒話襟期

謝莫如山惠松

龍山花木賤如蓬  
爭似君家五粒松  
珍重高情能見  
惠滿堂永雪照清容

又

南沙才子氣凌雲一種寒松手自分携向天全亭子  
上一回相對一思君

題鵲圖

聲音宛轉羽毛齊何事卑棲尚一枝莫作尋常凡鳥  
看朝陽還伴鳳來儀

題過廷童松寄梅竹陳君邦家

常憶荆溪陳處士寒梅脩竹靜中看贈君別有凌霜  
操併與青青共歲寒

贈姑蘇朱朝用

行遍江南數百程  
回頭南望不勝情  
闔城畔胥山下  
常與沙鷗覓舊盟

題竹

一枝和雪倚江干  
雪滿瀟湘特地寒  
白鳳無聲飢欲死  
被誰收拾畫圖看

又

長身已化葛陂龍  
老幹仍留十二筩  
莫道凌雲高拂翠  
也堪空谷引清風

又

石林春雨長新苞  
粉節雖未放稍我亦湖南老饒

守欲同坡老賦會饗

賞芙蓉

駕池邊花

雲無數壓枝低多情杜甫今頭

白獨立秋風漫品題

又

郡齋之東湖水南拒霜無數倚紅酣誰知五馬橋邊  
路足比千花濯錦潭

又

隔牆紅紫爛如雲惱殺西隣老使君不惜金錢來買  
醉白頭詩思正紛紛

又

君家官舍即吾廬  
携酒看花樂有餘  
却憶能詩些少  
府門門高卧學相如

又

獨倚秋風取次開  
小園携酒幾香來  
勸君莫惜花前  
醉昨日主人安在哉

用陳秋林韻題劉炳文梧石圖

積勤無間致功崇  
吳下元非舊阿蒙  
目不窺園已三  
載豈知涼意到梧桐

病起尋春至惠山  
因過西菴小憇松風閣偶



成五絕

尚書祠下弄花枝正是先生病起時  
欲破春愁寫春興老來詩筆已全遲

又

竹杖尋春野水涯病中猶自惜年華  
東風似識衰翁意開遍山村處處花

又

朝來黃色上眉邊知是君恩下九天  
邂逅西神山下過野花啼鳥亦欣然

時余有江右之命

又

老病逢春氣未蘇  
偶尋禪榻寄清臯  
大瓢汲得泉頭水  
且試從前紫竹爐

又

我是西菴舊主人  
客邊相憶幾傷神  
春來又復隨緣住  
知是三生有宿因